

Headlines

\*لیفٹنٹ گورنر منوج سنہا نے کہیو ہے جے جموں کشمیر مانہہ کالسریاں غی با اختیاری تے مکمل حقوق غی پاسداری جموں کشمیر انتظامیہ غی ترجیح ہے۔ تے مہاری بچیں اپنا خواب پورا کر غے کامیاب ہو رہی ہیں۔

\*لیفٹنٹ گورنر منوج سنہا نے اج مشہور مقام لال چوک سرینگر تیں سی آر پی ایف غی کالسریاں غی موثر سائیکل ریلی ”یشاسوینی“ نانہہ جھنڈی دس غے روانہ کیو ہے۔

\* ضلع راجوری غا پروہ علاقہ مانہہ دہشت گردی کا خاتمہ واسطے اک بڑی تلاشی کا روانی جاری ہے۔ تے اے ڈی جی پی مکیش سنگھ علاقہ مانہہ جاری تلاشی کا روانی غو جائزولین واسطے موقع ور پُجیا۔

\* تے بھارتیہ فضائیہ غا سربراہ وی آر چودھری نے کہیو ہے جے خفیہ اطلاعات غی بنیا د ور بھارت سرحد ور چوکسی نال دیکھ بھال کر رہیو ہے۔

<><><><><><><><>

LG Women

لیفٹنٹ گورنر منوج سنہا نے کہیو ہے جے جموں کشمیر مانہہ ناری شکتی غا حقوق تے اُن نانہہ با اختیار بنانو ات غی انتظامیہ ترجیح بنیادان مانہہ شامل ہے۔ اُن نے کہیو جے مہاری بیٹیں تدریسی، تحقیق تے کاروبار آلا شعبہ مانہہ اپنا سماج نانہہ اگے لے جان واسطے پُر زور کوشش کر رہی ہیں۔ اُن نے کہیو جے ناری شکتی جموں کشمیر غی ترقی مانہہ اک اعلیٰ کردار نبھا رہی ہیں تے انسانی وقار تے سماجی برابری مانہہ مستقبل واسطے یقینی بنارہی ہیں۔

<><><><><><><><>

LG CRPF Expedition

لیفٹنٹ گورنر منوج سنہا نے اج سی آر پی ایف غی کالسریاں غی بانک ریلی ”یشاسوینی“ نانہہ لال چوک سرینگر تیں ہری جھنڈی دس غے گجرات آلے پاسے ٹورنتو ہے۔ یہ کالسری ریلی غی شکل مانہہ 2 ہزار 1 سو 34 کلو میٹر فاصلو 40 ضلعان توں طے کر غے 31 اکتوبر نانہہ ایکتا نگر گجرات مانہہ سابقہ نائب وزیر اعظم سردار ولہ بھائی پٹیل غا جنم تہاڑا ور ات پُجیں گی۔ اُن نے کہیو جے سی آر پی ایف غی ملک غی سالمیت تے حاکمیت واسطے ان غی بہا دی جذبہ تے پکا ارادہ نانہہ یاد رکھیو جائے گو۔ اُن نے کہیو جے ہائیک ریلی ملک بھر مانہہ کٹن غی سی آر پی ایف تے خواتین تے بچہ ترقیات کی وزارت کالسریاں نانہہ با اختیارات بنان غی اک سانجھی کوشش ہے۔ اس ہائیک ریلی غا سفر غے دوران 3 ٹیم سرینگر، شہلونگ تے کنیا کماری کچھ خاص جتھان جس طرح جے بیٹی بچاؤ بیٹی پڑھاؤ غی اسکولی تے کالجان غی ٹیم این سی سی غا جتھان تے نہر و یوا کیندراں گا ارکان تے آنگن واڑی ورکراں نال وی گل بات کریں گی۔

<><><><><><><><>

IG CRPF Terrorism

سی آر پی ایف غا انسپکٹر جنرل اجے کمار نے کہیو ہے جے سرینگر پُرامن ہے تے ات کسے وی طرح غی کوئی دہشت گردی نہیں ہے۔ وے سی آر پی ایف غی کالسری ہائیک ریلی نانہہ سرینگر تیں گجرات آلے پاسے ہری جھنڈی دسن غی تقریب غے دوران نامہ نگاراں نال گل بات کر رہیا تھا۔ اُن نے کہیو جے یہ تقریب سرینگر شہر مانہہ منعقد کرنو اسے گل پاسے اشارو کرے جے یوہ شہر ہر لحاظ نال پُرامن ہے۔

<><><><><><><><>

## Cyclists Girls

سائیکل غے ذریعے سرینگر تیں کنیا کماری تک غو سفر کرن آلا 4 افراد جن مانہہ 2 بچیں رکشتا چودھری عمر 9 سال تے سانوی پندھیر عمر 8 سال جہیڑای راجستھان غی رہن آلی ہیں نے اپنا اس سفر غی شروعات لال چوک سرینگر تیں کی تھی۔ وے اج اُدھم پور پُج گیا ہیں ان غی سربراہی رکشتا چودھری کر رہی ہیں۔ تے ان نے اس 37 سو کلو میٹر لمبا سفر غو آغاز کر غے عوام مانہہ ”بیٹی بچاؤ بیٹی پڑھاؤ“ جیسی مہم بارے جانکاری ناہہ عام کرنو ہے۔ اس سفر غے دوران یہ سائیکل سوار نہ صرف اپنا سفر ور تو جہ مرکوز کر رہی ہیں بلکہ عوام مانہہ جنسی برابری تے بچاں ناہہ اسکرین تیں دور رکھن غی تلقین کر رہیا ہیں۔



## Search Kalakote

دہشت گردی گا خاتمہ واسطے اج ضلع راجوری غا پروہ علاقہ مانہہ بڑی تلاشی کا روائی جاری ہے۔ بھارتی فوج غا اک افسر نے دسیو ہے جے خفیہ اطلاع غے مطابق علاقہ مانہہ کجھ نامعلوم افراد غی حرکات ناہہ محسوس کیو گیو تے جس تیں بعد بھارتی فوج تے جموں کشمیر پولیس نے سانجھی تلاشی کا روائی غو آغاز کیو۔ اس تلاشی کا روائی مانہہ غیر قانونی نقل و حمل ناہہ جدید ٹیکنالوجی غے تحت دیکھيو جا رہیو ہے۔ اس دوران اے ڈی جی پی مکیش سنگھ بھارتی فوج تے پولیس افسراں غے ہمراہ موقع ور پُج گے کا روائی غو جائزو لے رہیا ہیں۔ ذرائع نے دسیو ہے جے بروہ تے سوم علاقہ غا جنگل ناہہ گھیرا مانہہ لے گے تلاشی جا ری ہے تے اس دوران علاقہ مانہہ چھپیا دہشت گرداں نے حفاظتی دستاں ور گولی چلا غے گھیرا تیں نسن غی وی کوشش کی تے فوج نے وی بچاؤ کا روائی مانہہ گولی چلائیں۔



## Earthquake

مُلک غا شمالی حصاں تے قومی راجدھانی دہلی مانہہ اج زلزلہ غا جھٹکا محسوس کیا گیا ہیں۔ اونگان نیپال مانہہ 4 عشریہ 6 تے 6 عشریہ 2 شدت غا جھٹکا ریکارڈ کیا گیا ہیں۔ قومی سسمالوجی مرکز غے مطابق نیپال مانہہ آیا جھٹکاں غو مرکز 5 کلو میٹر ڈونگو دسیو ہے۔ واضح رہ جے زلزلہ غو پہلو جھٹکو 2 بج غے 25 منٹ تے دوجو جھٹکو 2 بج غے 51 منٹ ور محسوس کیو گیو ہے۔ اس سلسلہ مانہہ کسے وی جانی یا مالی نقصان غی اجوں کوئی خبر نہیں ہے۔



یہ خبر تم آکا شوانی جموں تیں سن رہیا ہیں خبراں غا باقی حصہ نال محمد سفیر۔

## IAF Border

بھارتی فضائیہ غا سربراہ وی آر چودھری نے کہیو ہے جے بھارتی فضائیہ سرحد ور دیکھ بہال ناہہ بڑی بو شیاری نال دیکھ رہی ہے۔ انہاں نے کہیو ہے جے مُلک غا حفاظتی منصوبہ ہر آئے روز نویں تبدیلی سنگ بدل رہیا ہیں۔ اور حالات مانہہ تبدیلی غی خاطر چوکسی مانہہ وی نویں نویں تبدیلی آئی جا رہی ہیں۔ نویں دہلی مانہہ ذرائع ابلاغ نال گل کرتاں واں انہاں نے کہیو ہے جے بھارتی فضائیہ خافیہ اطلاعات غے تحت اپنا حفاظتی نظام غا منصوباں مانہہ وی تبدیلی لیا رہی ہے۔



## Poonch MMD

شمالی زون گا کلچرل مرکز پٹیالہ نے بھارت سرکار غی سربراہی مانہہ اج ضلع پونچھ مانہہ نُکڈ ناٹک غے تحت ”میری ماٹی میرا دیش“ غا موضوع ور 5 روزہ تقریبگی شروعات کی۔ اس پروگرام غو اہتمام محکمہ دیہی ترقی غی سنجالی نال ضلع غا دوردراز سرحدی گراں کھڑی کرماڑہ مانہہ کیو گیو ہے۔ اس موقع ور پروگرام مانہہ ڈی ڈی سی رُکن پونچھ چودھری غنی مہمان خصوصی تھا جد کہ پروگرام غی صدارت بی ڈی سی چنیرمین جمیل احمد نے کی۔ پروگرام تیں بعد علاقہ تیں بوٹا تے مٹی لی گئی۔ جس ناہہ مُلک غی خاطر امرت واٹیکا واسطے دلی پجایو جائے گو۔

